

Protocol fat bun da la radunanza cumünala dals 15 december 2011

Protocol no. 15 Radunanza cumünala dals 16 november 2011, 20.15 – 22.00

Preschaintas: 31 persunas

S-chüsats: Marianne Werro, Urs Domenig, Mario Riatsch, Rico Zini e Maria Sedlacek

Il capo constata cha la radunanza saja gnüda convocada in basa a nossa constituziun cumünala e dumonda sch'inchün haja da far objecziuns. Sainza chi vegnan fattas objecziuns, vegnan nominats seguaints scrutinadurs: Jöri Felix ed Anna Barbla Buchli.

Protocols:

Il protocol no. 13 da la radunanza cumünala dals 1. settember 2011 vain prelet. Our dal ra-vuogl da la radunanza vain fatta ün'objecziun a regard la cumplettaziun dal protocol no. 12 tractanda 2. Tala cumplettaziun es gnüda effectuada aint il protocol no. 12 ed tal protocol es eir stat publichà culla cumplettaziun da la tractanda 2. Il protocol no. 13 vain approvà sainz'opposiziun.

Il protocol no. 14 da la radunanza cumünala dals 24 october 2011 vain approvà. Avant l'approvaziun orientescha il schef da planisaziun ch'a regard l'intimizaziun d'ün votant da fixar aint il contrat da concessiun da Panas-ch Sura na be "üna süertà" d'impersè plü precis "üna süertà d'üna banca o sgüranza svizra", saja gnü constattà cha quella definiziun d'eira fingià avantman aint il contrat, ma cha sül prüm sguard saja quai gnü survis.

1 805 MEGLIORAZIUN **20avla ed ultima etappa**

Il capo salüda al president da l'ameglioraziun generala Men Luppi chi preschainta la 20avla ed ultim'etappa da l'ameglioraziun generala. Quist'etappa cumpiglia:

- Üna nouva punt a Soblantin - 4m largia, da beton e cun saiv.
- La sanaziun da la via da Battaglia fin Plattas Sura e da Plan da Porchs fin Plattas Sura.
- Ün vial per la prada da la Foppa.
- Diversas cumplettaziuns dal proget da sauaziun, sco p.ex.
 - a.) l'installaziun d'ün filter special gio la centrala da Pradella per evitar in avegnir cha'l sablun aint ill'aua donnagescha ils ventilis dal implant da sauaziun
 - b.) La correctura da l'implant da sauaziun i'l cuntegn Val S-chüra, causa cha'l sistem tschernü nun as ha verifichà.
- L'electrificaziun da la stalla da la famiglia Anna Barbla e Not Buchli

Ils cuosts da fabrica da la 20avla'etappa sun previs cun total frs. 675'000.--. Il president orientescha cha'l Cumün possa eir per quist'etappa calcular cullas subvenziuns chantunalas e federalas chi s'amuntan a 82.6% da la somma da fabrica.

Il proget da l'electrificaziun da la stalla da la famiglia Anna Barbla e Not Buchli da andit a discussun. Sar Georg Buchli constatta chi vegna calculà pro quist proget da tachar la lingia da la forza electrica per la stalla da la famiglia Buchli vi da la staziun da trafo privata da la firma Frars Buchli sainza chi hajan gnü lö trattativas. Ils commembers da la firma Frars Buchli han l'impreschiun cha davart da l'ameglioraziun generala vegna

s'impatruni da possess privat e cha quai nu saja correct e nu possa gnir tolerà. Il president da l'amegliaziun generala declera cha tant la cumischiun d'amegliaziun sco eir il perit tecnic sajan stats da l'idea cha la chosa füss reglada correctamaing, ma ch'el constatta uossa chi's tratta d'una malinletta tanter ils pertocs e cha la chosa culla firma Frars Buchli stopcha natüralmaing gnir missa in net. El intuna però eir cha la decisiun sur da la 20avla etappa stopcha gnir tratta amo quista saira e nu possa gnir spostada per cha las lavurs possan gnir executadas prosma prümavaira pro temp. A metter inavò be l'electrificaziun da la stalla da la famiglia Buchli vess per consequenza cha quella part dal proget nu gniss plü realisada. Sar Georg e sar Peder Buchli intunan ch'els nu sajan intensiunats d'impedir l'electrificaziun da la stalla e ch'els sajan prontos da trattar eir davò la decisiun da la radunanza, ma ch'ün'eventuala decisiun positiva sur da l'etappa poss' esser pür valabla cur cha la dumonda da l'attach es missa in net. La radunanza decida unanim da metter l'import brüt da frs. 675'000.-- aint il preventiv d'investiziuns dal 2012.

2 1 SGÜREZZA PUBLICA

Ledscha davart l'organisaziun in cas da catastrofas

Il manader tecnic Jon-Curdin Felix spiega a la radunanza cumünala cha davart il Chantun vegna pretais dals cumüns ün concept per superar catastrofas. A man d'una preschantaziun muossa il manader tecnic co ch'ün concept füss fabrichà sü per esser confuorm a las pretais dal Chantun. La basa legala per l'organisaziun in cas da catastrofas es la ledscha chi regla las dumondas fundamentalas sco p.ex. las incumbenzas, la respunsabilità o las masüras pro cunferfacziuns, ma eir las dumondas davart il stab da crisa. Tenor las indicaziuns illa ledscha vain fabrichada sü l'organisaziun dal servezzan da catastrofas chi cumpiglia

- a) ils dovoirs dal Cumün in cas da catastrofas
- b) ün inventar dals privels pussibels
- c) l'organigram dal stab
- d) las incumbenzas dal stab
- e) ün schema d'alarmaziun
- f) ün inventar dals mezs d'agüd pel stab.
- g) üna survista dal persunal disponi bel

La ledscha vain suottamissa a la cumünanza d'urna. La votumaziun ha lö in occasiun da l'elecziun e da la votumaziun chantunala ils 29 schner 2012.

3 Varia

Ün votant as fa gronds pissers a regard la diminuaziun dal servezzan da la posta impustüt in connex culs uraris da fanestrigl vi plü restrets. Cha quist saja ün problem impustüt per l'uffizi districtual En e per l'uffizi da scussiu d'Engiadina Bassa chi hajan da traffichar fich bier cun l'uffizi da Posta. El giavüscha cha davart il Cumün vegnan fats tuot ils sforzs per mantegner ün servezzan da posta uschè larg pussibel. Il capo responda cha eir davart dal Cumün saja avantman quist interess. Sco preschntà a l'ultima radunanza cumünala as püdess culla cumprita dal stabilimaint da la posta s-chaffir la basa per la collavuraziun tanter la Posta ed il büro da turissem chi portess tant a nossa populaziun sco eir a noss giasts cun uraris da fanestrigl schlargiats la qualiltà toccanta da tuots duos servezzans.

L'actura